



佛七儀規

蓮池讚

蓮池海會

彌陀如來

觀音勢

大誓弘

至坐蓮台

接引上金階

普願離塵埃

南無蓮池海會

南無蓮池海會

菩薩

摩訶訶薩

摩訶訶薩

摩訶訶薩

薩摩訶訶薩

薩摩訶訶薩

薩摩訶訶薩

佛說阿彌陀經

姚秦三藏法師鳩摩羅什譯

如是我聞

一時佛在舍衛國祇樹

給孤獨園

與大比丘僧千二百五十人

俱皆是大阿羅漢

眾所知識

長老舍利弗

摩訶目犍連

摩訶迦葉

摩訶迦旃延

摩訶俱絺羅

離婆多

周利槃陀伽

阿難陀

羅睺羅

橋梵波提

賓頭盧頗羅墮

迦留陀夷

摩訶劫賓那

薄拘羅

阿菴樓駄

如是等諸大弟子

並諸菩薩摩訶薩

文殊師利法王子

阿逸多菩薩

乾陀訶提菩薩

常精進菩薩

與如是等諸大

菩薩及釋提桓因等

無量諸天大眾

俱

爾時佛告長老舍利弗

從是西方過十

萬億佛土

有世界名曰極樂

其土有

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

1

佛。號阿彌陀。今現在說法。舍利弗。彼土何故名為極樂。其國眾生。無有眾苦。但受諸樂。故名極樂。又舍利弗。極樂國土。七重欄楯。七重羅網。七重行樹。皆是四寶周匝圍繞。是故彼國名為極樂。又舍利弗。極樂國土。有七寶池。八功德水。充滿其中。池底純以金沙布地。四邊階道。金。銀。琉璃。玻瓈合成。上有樓閣。亦以金。銀。琉璃。玻瓈。磲磈。赤珠。瑪瑙而嚴飾之。池中蓮華。大如車輪。青色青光。黃色黃光。赤色赤光。白色白光。微妙香潔。舍利弗。極樂國土。成就如是功德莊嚴。又舍利弗。彼佛國土。常作天樂。黃金為地。晝夜六時。雨天曼陀羅華。其土眾生。常以清旦。各以衣祴。盛眾妙華。供養他方十萬億佛。即以食時。還到本國。飯食經行。舍利弗。極樂國土。成就如是功德莊嚴。復次舍利弗。彼國常有種種奇妙雜色之鳥。白鶴。孔雀。鸚鵡。舍利。迦陵頻伽。共命之鳥。是諸眾鳥。晝夜六時。出和雅音。其音演暢。五根五力。七菩提分。八聖道分。如是等法。其土眾生。聞是音已。皆悉念佛念法念僧。舍利弗。汝勿謂此鳥。實是罪報所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸眾鳥。皆是阿彌

陀佛欲令法音宣流。變化所作。舍利弗。彼佛國土。微風吹動諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛念法念僧之心。舍利弗。其佛國土。成就如是功德莊嚴。

舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號為阿彌陀。又舍利弗。彼佛壽命。及其人民。無量無邊阿僧祇劫。故名阿彌陀。舍利弗。阿彌陀佛成佛以來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩眾。亦復如是。舍利弗。彼佛國土。成就如是功德莊嚴。

又舍利弗。極樂國土。眾生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。舍利弗。眾生聞者。應當發願。願生彼國。所以者何。得與如是諸上善人俱會一處。舍利弗。不可以少善根福德因緣。得生彼國。舍利弗。若有善男子善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛。與諸聖眾。現在其前。是人終時。心不顛倒。即得往生阿彌陀佛極樂國土。舍利弗。我見是

利。故說此言。若有眾生。聞是說者。應當發願。生彼國土。

舍利弗。如我今者。讚歎阿彌陀佛不可思議功德之利。（合掌）東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。南方世界。有日月燈佛。名聞光佛。大燄肩佛。須彌燈佛。無量精進佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。西方世界。有無量壽佛。無量相佛。無量幢佛。（イタカ）大光佛。大明佛。寶相佛。淨光佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。北方世界。有燄肩佛。最勝音佛。難沮佛。（ヒビ）日生佛。網明佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。下方世界。有師子佛。名聞佛。名光佛。達磨佛。法幢佛。持法佛。如是等恆河沙數諸佛。各於

其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。上方世界。有梵音佛。宿王佛。香上佛。香光佛。大燄肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。

功德。一切諸佛所護念經。(放掌)舍利弗。於汝意云何。何故名為一切諸佛所護念經。舍利弗。若有善男子善女人。聞是經受持者。及聞諸佛名者。是諸善男子善女人。皆為一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。舍利弗。若有人已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於彼國土。若已生。若今生。若當生。是故舍利弗。諸善男子善女人。若有信者。應當發願。生彼國土。舍利弗。如我今者。稱讚諸佛不可思議功德。彼諸佛等。亦稱讚我不可思議功德。而作是言。釋迦牟尼佛。能為甚難希有之事。能於娑婆國土。五濁惡世。劫濁。見濁。煩惱濁。眾生濁。命濁中。得阿耨多羅三藐三菩提。

為諸眾生。說是一切世間難信之法。
舍利弗。當知我於五濁惡世。行此難
事。得阿耨多羅三藐三菩提。為一切
世間。說此難信之法。是為甚難。佛
說此經已。舍利弗。及諸比丘。一切
世間天人阿修羅等。聞佛所說。歡喜
信受。作禮而去。

佛說阿彌陀經

拔一切業障根本得生淨土陀羅尼

南無阿彌哆婆夜。哆他伽哆夜。哆地

夜他。阿彌唎都婆毗。阿彌唎哆。悉

毗婆毗。阿彌唎哆。毗迦蘭帝。阿彌

唎哆。毗迦蘭哆。伽彌膩。伽伽那。

枳多迦隸。娑婆訶。(三遍)

彌陀讚

彌陀佛大願王。慈悲喜捨難

量。眉間常放白毫光。度眾生極

樂邦。八德池中蓮九品。七

寶妙樹成行。如來聖號若宣揚

接引往西方。彌陀聖號若稱

揚。同願往西方。

讚佛偈

○阿彌陀佛身金色。相好光明無等倫。

白毫宛轉五須彌。紺目澄清四大海。

光中化佛無數億。化菩薩眾亦無邊。

四十八願度眾生。九品咸令登彼岸。

南無西方極樂世界。大慈大悲阿彌陀佛。

南無阿彌陀佛。(數百千聲)

南無觀世音菩薩。(三稱)

南無大勢至菩薩。(三稱)

南無清淨大海眾菩薩(三稱)

是日已過。命亦隨滅。如少水魚。斯
有何樂。大眾。當勤精進。如救頭然。

但念無常。慎勿放逸。

懺悔偈
往昔所造諸惡業。皆由無始貪嗔痴。

從身語意之所生。今對佛前求懺悔。

三皈依
自皈依佛。當願眾生。體解大道。發無上心。

自皈依法。當願眾生。深入經藏。智慧如海。

自皈依僧。當願眾生。統理大眾。一切無礙。

大回向
弟子眾等。現是生死凡夫。罪障深重。

輪迴六道。苦不可言。今遇知識。得聞

彌陀名號。本願功德。一心稱念。求願

往生。願佛慈悲。不捨哀憐。攝受弟子。

眾等。不識佛身。相好光明。願佛示現。

令我得見。及見觀音勢至。諸菩薩眾。

彼世界中。清淨莊嚴。光明妙相等。

南無阿彌陀佛。
南無觀世音菩薩。
南無大勢至菩薩。

南無清淨大海眾菩薩。
南無清淨大海眾菩薩。
南無清淨大海眾菩薩。

願我臨終無障礙。阿彌陀佛遠相迎。
觀音甘露灑吾頭。勢至金臺安我足。

一剎那中離五濁。屈伸臂頃到蓮池。
蓮花開後見慈尊。親聽法音可了了。
聞已即悟無生忍。不違安養入娑婆。
善知方便度眾生。巧把塵勞為佛事。
我願如斯佛自知。畢竟當來得成就。

回向文

慈雲懺主淨土文（以下兩種回向文，隨用一種皆可。）

一心歸命。極樂世界。阿彌陀佛。願
以淨光照我。慈誓攝我。我今正念。
稱如來名。為菩提道。求生淨土。佛
昔本誓。若有眾生。欲生我國。至心
信樂。乃至十念。若不生者。不取正
覺。以此念佛因緣。得入如來。大誓
海中。承佛慈力。眾罪消滅。善根增
長。若臨命終。自知時至。身無病苦。
心不貪戀。意不顛倒。如入禪定。佛
及聖眾。手執金臺。來迎接我。於一
念頃。生極樂國。花開見佛。即聞佛
乘。頓開佛慧。廣度眾生。滿菩提願。
十方三世一切佛。一切菩薩摩訶薩。

摩訶般若波羅蜜。

大慈菩薩發願偈

十方三世佛。阿彌陀第一。九品度眾
生。威德無窮極。我今大皈依。懺悔三
業罪。凡有諸福善。至心用迴向。願同
念佛人。感應隨時現。臨終西方境。分
明在目前。見聞皆精進。同生極樂國。
見佛了生死。如佛度一切。無邊煩惱
斷。無量法門修。誓願度眾生。總願成
佛道。虛空有盡。我願無窮。情與無情。

同圓種智。十方三世一切佛。一切菩薩。

摩訶薩。摩訶般若波羅蜜。

迴向偈

願生西方淨土中 九品蓮華為父母
花開見佛悟無生 不退菩薩為伴侶

淨修捷要（一名五念簡課）

菩薩戒弟子夏蓮居老居士 撰

淨宗一法·易行難信·非探教海·莫窺津涯。雖華嚴以十願為歸·天親以五念為門·而未法淺學·未易遽入也。必須熟讀大經·方能略明綱要。然而今之修淨業者·大率僅持小本·於小本僅持秦譯·能持唐譯且誦大經者·殊不易睹。此其所以號稱習淨者多·而具深信切願者少·信願未深而欲得真實受用不亦難乎。庚辰之歲·病中發願·敬集經文·副以祖意·作為簡課·俾授初機。約自他感應於三業之間·括讚觀願向於一禮之際·妄想不易乘隙·而正念自得現前。需時既少·收效良多·是以付印以來·已歷四版·受持獲益·先後相望·節時省力·行者稱便。果能隨文運心·久習純熟·則於性修不二·境智一如之理·不待研討·自生信解。再讀大經·於淨土法門·有如順水行舟·颺帆逕渡矣。但每條均係經文法語·萬勿滑口率意·致蹈輕慢。務宜誠敬虔恭·如覲慈光·方合天親菩薩四修五念之旨·自能獲密益於潛移默運中。如嫌簡略·則有大經五念儀·行將脫稿·請益諸方也。適屆聯合普遍祈禱法會圓滿之期·勉循同修善信之請·略題數語·用誌緣起云。

淨宗學人鄆城夏蓮居識於燕京寓廬歡喜念佛齋

香讚

戒定真香 焚起衝天上 弟子

虔誠 熱在金鑪放 頃刻紛紜

即徧滿十方 昔日耶輸 免難

消災障南無香雲蓋 菩薩摩訶

薩南無香雲蓋 菩薩摩訶 薩南無

香雲蓋 菩薩摩訶 薩

一心觀禮·娑婆教主·九界導師·如
來世尊。於五濁世·八相成道。興大
悲·憫有情·演慈辯·授法眼·杜惡

趣·開善門·宣說易行難信之法。當來一切含靈·皆依此法而得度脫。大

恩大德·本師釋迦牟尼佛。

南無本師釋迦牟尼佛（一拜三稱）

一心觀禮·極樂教主。因地聞法·即

發無上正覺之心。住真實慧·誓拔勤苦生死之本。棄國捐王·行作沙

門·號曰法藏。修菩薩道·於無量劫·積植德行。所發殊勝大願·悉

皆圓滿成就。名具萬德·聲聞十方·

接引導師·阿彌陀佛。

南無阿彌陀佛（一拜三稱）

一心觀禮·從是西方·去此世界·過

十萬億佛土·有佛世界·名曰極樂。

法藏成佛·號阿彌陀·名無量壽·

及無量光。如來應正等覺·十號圓

滿·安隱住持·具足莊嚴·威德廣

大·清淨佛土·阿彌陀佛。

南無阿彌陀佛（一拜三稱）

一心觀禮·清淨法身·徧一切處。無

生無滅·無去無來。非是語言分別

之所能知。但以酬願度生·現在西

方極樂世界·常寂光土。接引法界

眾生·離娑婆苦·得究竟樂。大慈

大悲·阿彌陀佛。

南無阿彌陀佛（一拜三稱）

一心觀禮·圓滿報身。所居之處·永

無眾苦諸難·惡趣魔惱之名。亦無

四時寒暑雨冥之異。寬廣平正·微

妙奇麗·超踰十方一切世界。實報

莊嚴淨土·阿彌陀佛。

南無阿彌陀佛（一拜三稱）五

一心觀禮·壽命無量·光明無量。菩薩弟子·聲聞天人·壽命悉皆無量。國土·名字·都勝十方。無衰無變·建立常然。殊勝希有·阿彌陀佛。

南無阿彌陀佛（一拜三稱）六

一心觀禮·無量壽佛·亦號無量光佛。亦號無邊光·無礙光·無等光。亦號智慧光·常照光·清淨光·歡喜光·解脫光·安隱光·超日月光·不思議光。光中極尊·佛中之王·阿彌陀佛。

南無阿彌陀佛（一拜三稱）七

一心觀禮·無量光壽·如來世尊。光明普照十方世界。眾生有緣遇斯光者·垢滅善生·身意柔軟·所有疾苦莫不休止·一切憂惱莫不解脫。如是威神光明·最尊第一。十方諸佛所不能及·阿彌陀佛。

南無阿彌陀佛（一拜三稱）八

一心觀禮·極樂世界·教主本尊·於彼高座·威德巍巍·相好光明。一切境界無不照見。如黃金山·出於海面。其中萬物·悉皆隱蔽·唯見佛光明耀顯赫。有無數聲聞菩薩恭敬圍繞·阿彌陀佛。

南無阿彌陀佛（一拜三稱）九

一心觀禮·極樂世界·教主本尊·今現在彼·為諸有情·宣說甚深微妙

之法。令得殊勝利益安樂。十方菩薩瞻禮聞法。得蒙授記。稱讚供養。阿彌陀佛。

南無阿彌陀佛（一拜三稱）十

一心觀禮。佛由心生。心隨佛現。心外無境。全佛是心。境外無心。全他即自。洪名正彰自性。淨土方顯唯心。感應道交。呼應同時。十萬億程。去此不遠。心作心是。阿彌陀佛。

南無阿彌陀佛（一拜三稱）十一

一心觀禮。顯密一體。身土不二。稱名無異持呪。教主即是本尊。大日遮那。同歸光壽。華藏。密嚴。不離極樂。豎窮三際。橫徧十虛。阿彌陀佛。

南無阿彌陀佛（一拜三稱）十二

一心觀禮。六字統攝萬法。一門即是普門。全事即理。全妄歸真。全性起修。全修在性。廣學原為深入。專修即是總持。聲聲喚醒自己。念念不離本尊。阿彌陀佛。

南無阿彌陀佛（一拜三稱）十三

一心觀禮。無量光壽。是我本覺。起心念佛。方名始覺。託彼依正。顯我自心。始本不離。直趨覺路。暫爾相違。便墮無明。故知正遍知海。雖入眾生心想。寂光真淨。不涉一切情計。微妙難思。絕待圓融。阿彌陀佛。

南無阿彌陀佛（一拜三稱）十四

一心觀禮·萬德洪名·能滅眾罪。果能一向專念·自然垢障消除。不但道心純熟·且可福慧增長。臨命終時·聖眾現前。慈悲加祐·令心不亂。接引往生極樂世界。七寶池中·華開得見阿彌陀佛。

南無阿彌陀佛（一拜三稱）十五

一心觀禮·極樂世界·德風華雨·妙香天樂·泉池林樹·寶網靈禽·色光聲香·徧滿佛土。成就如是功德莊嚴·增益有情·殊勝善根。大願大力·阿彌陀佛。

南無阿彌陀佛（一拜三稱）十六

一心觀禮·極樂世界·黃金地上·寶樹行間·蓮華池內·寶樓閣中。發菩提心·念佛往生。住正定聚·永不退轉。容色微妙·超世稀有。咸同一類·無差別相。悉是清虛之身·無極之體。諸上善人·皆由一向專念阿彌陀佛。

南無阿彌陀佛（一拜三稱）十七

一心觀禮·極樂世界·菩提樹下·寶欄楯邊·聞妙法音·獲無生忍。受用種種大乘法樂。福慧·威德·神通自在。隨意所須·應念現前。一生補處·諸大菩薩。皆由一向專念阿彌陀佛。

南無阿彌陀佛（一拜三稱）十八

一心觀禮·極樂世界·道場·樓觀·

講堂·精舍·諸往生者·方便同居。
或樂說法·或樂聽法·或現神足·
或在虛空·或在平地·隨意修習·
無不圓滿·菩薩聖眾·皆由一向專
念阿彌陀佛。

南無阿彌陀佛（一拜三稱）十九

一心觀禮·十方世界·示現廣長舌相。
說誠實言·稱讚無量壽佛不可思議
功德·欲令眾生聞彼佛名·發清淨
心·憶念受持·皈依供養·所有善
根至心迴向·隨願皆生·得不退轉·
乃至無上正等菩提·恒河沙數諸佛。

南無阿彌陀佛（一拜三稱）二十

一心觀禮·四維上下·稱讚本師於一
切世間·說此易行難信之法·勸諸
有情至心信受·護念十方念佛眾
生·往生淨土·恒沙世界一切諸佛。

南無阿彌陀佛（一拜三稱）二十一

一心觀禮·經云·當來經滅·佛以慈
愍·獨留此經·止住百歲·遇斯經
者·隨意所願·皆可得度·是故我
今至心頂禮·廣大·圓滿·簡易·
直捷·方便·究竟·第一希有·難
逢法寶·大乘無量壽莊嚴清淨平等
覺經。

南無阿彌陀佛（一拜三稱）二十二

一心觀禮·一乘了義·萬善同歸·凡
聖齊收·利鈍悉被·頓該八教·圓
攝五宗·橫超三界·逕登四土·一
生成辦·九品可階·十方諸佛同讚·

千經萬論共指。寶王三昧。不可思議。微妙法門。

南無阿彌陀佛（一拜三稱）二十三

一心觀禮。彌陀化身。從聞思修。入三摩地。返聞自性。成無上道。修菩薩行。往生淨土。願力宏深。普門示現。循聲救苦。隨機感赴。若有急難恐怖。但自皈命。無不解脫。萬億紫金身。觀世音菩薩。

南無阿彌陀佛（一拜三稱）二十四

一心觀禮。淨宗初祖。以念佛心。入無生忍。都攝六根。淨念相繼。不假方便。自得心開。入三摩地。斯為第一。與觀世音現居此界。作大利樂。於念佛眾生。攝取不捨。令離三途。得無上力。無邊光智身。大勢至菩薩。

南無阿彌陀佛（一拜三稱）二十五

一心觀禮。無量壽如來會上。座列上首。德為眾尊。華嚴經主。萬行莊嚴。化身金剛薩埵。永為密教初祖。不捨因地。徧收玄妙。十大願王導歸極樂。大願大行普賢菩薩。

南無阿彌陀佛（一拜三稱）二十六

一心觀禮。法王長子。七佛之師。勝妙吉祥。無垢大聖。願共眾生同生極樂。繫心一佛。專稱名號。即於念中。得見彌陀。一行三昧。大智宏深。文殊師利菩薩。

南無阿彌陀佛（一拜三稱）二十七

一心觀禮·靈山會上·親承佛誨·授
與大乘無量壽經。囑以弘揚淨土法
門。現在兜率內院·當來三會龍華·
菩提樹下·成等正覺。福德無邊·
彌勒菩薩。

南無阿彌陀佛(一拜三稱)二十八

一心觀禮·無量壽如來會上·舍利弗等
諸大尊者。及賢護等·十六正士。咸
共遵修普賢大士之德。具足無量行
願。安住一切功德法中·諸大菩薩。

南無阿彌陀佛(一拜三稱)二十九

一心觀禮·從上以來·蓮宗諸祖。暨
弘宗演教·皈向淨土·諸大善知識。
以及本身皈依·授戒·傳法·灌頂·
諸位大師。

南無阿彌陀佛(一拜三稱)三十

一心觀禮·盡虛空·徧法界·常住三
寶。十方護法菩薩·金剛。梵·天·
龍·神·聖賢等眾。

南無阿彌陀佛(一拜三稱)三十一

一心代為生生世世·及現在生中父母·
師長·六親眷屬·冤親等眾·頂禮三
寶·求哀懺悔。普代法界眾生·迴向
西方極樂世界·同生淨土·同圓種智。

南無阿彌陀佛(一拜三稱)三十二

無量壽佛讚

無量壽佛 甘露王 威德 願力
難量 洪名虔稱消災障 化火
宅為清涼 菩提心中接佛
光 福慧 善根自長 一向

專念莫徬徨 勤薰戒定香
信願行三是資糧 苦海得慈航
南無西方極樂世界 大慈大悲 大願
大力 接引導師 阿彌陀佛

南無阿彌陀佛

(千聲或萬聲)

惟願

天下和順 日月清明 風雨以時
災厲不起 國豐民安 兵戈無用
崇德興仁 務修禮讓 國無盜賊
民無怨枉 強不凌弱 各得其所
並願以印行功德 回向法界一切
有情 所有六道四生 宿世冤親
現世業債 咸憑法力 悉得解脫
現在者增福延壽 已故者往生淨
土 同出苦輪 共登覺岸

南無護法韋馱尊天菩薩



南無阿彌陀佛



法器點板符號說明

本書中所載之經讀，均有註明板眼符號，俾初學經讀者容易學習。所註符號代表下列二點：
一、表示使用之法器。二表示唱誦時間之長短（即音樂上之所謂拍數）。因此學者只須記得音的高低，便得依所註符號敲打法並以表示之拍數唱誦，如此反覆練習，即得純熟。茲略分別舉例：

- 一、符號表示法器：
 - ◎ 大磬 將大磬捺住
 - 鐘 敲重鼓。敲輕鼓
 - ◎ 鐘鼓合敲 大磬與引磬同敲
 - ◎ 大磬與鐘鼓同敲 大磬與鐘同敲
 - ◎ 大磬與鼓同敲
 - 引磬 將引磬捺住
 - ◎ 大磬與鐘鼓同敲 大磬與鐘同敲
 - ◎ 大磬與鼓同敲
- 二、符號表示拍數：
 - 在時間上約等於樂譜之「」（二拍） 一在時間上約等於樂譜之「」（一拍）
 - 在時間上約等於樂譜之「」（一拍） 一在時間上約等於樂譜之「」（半拍）
 - 在時間上約等於樂譜之「」（半拍） 一在時間上約等於樂譜之「」（半拍）

例如：爐香讚中

諸佛現全身南無

阿彌陀佛四十八願禮懺儀規

凡禮懺者，外之威儀、內之觀想，必須先期習熟，免得臨時訛擾，有乖軌範。如未能修觀者，亦當清淨身口意三業，一心禮誦，不得草率從事，自取過咎。禮懺者，排班，對面立，鳴引磬，接鐘鼓，轉身向上，禮佛三拜，一問訊畢，仍轉身對面立，唱香讚

爐香讚

爐香乍爇 法界蒙熏 諸佛海
 會悉遙聞 隨處結祥雲 誠意方
 殷 諸佛現全身南無香雲蓋 菩
 薩 摩訶薩南無香雲蓋 菩薩

摩訶薩南無香雲蓋 菩薩摩訶
 訶薩

南無西方極樂世界 大慈大悲 阿彌陀佛
 一切恭敬

一心頂禮十方常住三寶

第一供養門

是諸眾等 各各胡跪
 嚴持香花 如法供養

願此香花雲 徧滿十方界
 一一諸佛土 無量香莊嚴

具足菩薩道。

成就如來香。

(維那白)

(大眾觀想默念)

我此香花徧十方。以為微妙光明臺。諸天音樂
天寶香。諸天肴膳天寶衣。不可思議妙法塵。
一一塵出一切塵。一一塵出一切法。旋轉無礙

互莊嚴。徧至十方三寶前。十方法界三寶前。

悉有我身修供養。一一皆悉徧法界。彼彼無雜
無障礙。盡未來際作佛事。普熏法界諸眾生。

(維那出聲)

(眾和)

蒙熏皆發菩提心。同入無生證佛智。

(放香花碟)

供養已一切恭敬。

(起立)

(拜起問訊)

第二讚歎門

如來妙色身。

世間無與等

無比不思議

是故今頂禮

如來色無盡

智慧亦復然

一切法常住

是故我皈依

大智大願力

普度於眾生

令捨熱惱身

生彼清涼國。

我今淨三業

皈依及禮讚

願共諸眾生

同生安樂刹。

(拜起問訊)

第三禮拜門

一心頂禮。宏揚淨樂土。釋迦如來。千

百億化身。徧法界諸佛。

(三稱三拜)

一心頂禮。常寂光淨土。阿彌陀如來。

清淨妙法身。徧法界諸佛。

(一拜)

一心頂禮。實報莊嚴土。阿彌陀如來。

微塵相海身。徧法界諸佛。

(一拜)

一心頂禮。方便聖居士。阿彌陀如來。

解脫相嚴身。徧法界諸佛。

(一拜)

一心頂禮。西方安樂土。阿彌陀如來。

大乘根界身。徧法界諸佛。

(一拜)

一心頂禮。西方安樂土。阿彌陀如來。

十方化往身。徧法界諸佛。(拜起問訊)

一心頂禮。三十六萬億。一十一萬九千

五百同名阿彌陀佛。(三稱三拜)

一心頂禮。六方諸佛。阿閼鞞佛。日

月燈佛。無量壽佛。燄肩佛。師

子佛。梵音佛等。徧法界諸佛。(一拜)

一心頂禮。西方安樂土。阿彌陀如

來。十方三世一切諸佛。(一拜)

一心頂禮。極樂大乘。四十八願。無量

壽經。及彼淨土所有一切法寶。(拜起問訊)

一心頂禮。拔一切業障根本得生淨土

陀羅尼。(三稱三拜)

一心頂禮。西方安樂土。觀世音菩薩。

萬億紫金身。徧法界菩薩摩訶薩。(一拜)

一心頂禮。西方安樂土。大勢至菩薩。

無邊光熾身。徧法界菩薩摩訶薩。(一拜)

一心頂禮。西方安樂土。文殊菩薩。

大智示現身。徧法界菩薩摩訶薩。(一拜)

一心頂禮。西方安樂土。普賢菩薩。

行願剎塵身。徧法界菩薩摩訶薩。(一拜)

一心頂禮。西方安樂土。清淨大海眾。

滿分二嚴身。徧法界聖眾。(一拜)

一心頂禮。西方安樂土。七寶池中。

九品蓮臺。一切菩薩摩訶薩。(一拜)

一心頂禮。大智舍利弗。無量無數緣

覺聲聞。一切賢聖僧。(一拜)

一心頂禮。宏揚淨土。馬鳴大師。興

崇教法。龍樹大師。(一拜)

一心頂禮。倡始蓮社。慧遠法師。善

導大師。及宏揚淨土法門一切高僧

大德。一切賢聖僧。

(一拜)(拜起。問訊。長跪)

(維那白)

經云。若稱我名。必生我國。若不爾者。誓不成佛。若諸衆生。願生極樂。成就妙嚴。威德自在。先當從我。發如是願。(以下仍跪念)

南無大慈彌陀佛。願我速斷貪瞋癡

南無大慈彌陀佛。願我永離三惡道

南無大慈彌陀佛。願我常聞佛法僧。

南無大慈彌陀佛。願我勤修戒定慧

南無大慈彌陀佛。願我恆隨諸佛學

南無大慈彌陀佛。願我圓滿菩提心

南無大慈彌陀佛。願我速會極樂國

南無大慈彌陀佛。願我早同法性身

南無大慈彌陀佛。願我分身徧塵刹。

南無大慈彌陀佛。願我廣度諸衆生。

第四隨喜功德門(長跪至心隨喜)

(維那白)

經云。若有比丘比丘尼。善男子善女人。聞是經受持者。及聞諸佛名者。是諸比丘比丘尼。善男子善女人。皆為一切諸佛之所護念。皆得不退轉於阿耨多羅三藐三菩提。是故今日。至心受持。願垂護念。成就菩提。願得往生。極樂國土。

弟子眾等一心歸命。極樂世界。阿彌陀佛。盡未來際。隨喜阿彌陀佛。發四十八願。成就西方極樂世界。盡未來際。隨喜阿彌陀佛名號不可思議功德。盡未來際。隨喜阿彌陀佛因地法行。盡未來際。隨喜阿彌陀佛大慈、大悲、大智、大願力。普度十方眾生。同生西方極樂世界。

弟子眾等。至心隨喜觀世音菩薩。一心恭敬阿彌陀佛。尋聲救苦。現身說法。

普度十方眾生。同生西方極樂世界。
至心隨喜大勢至菩薩。一心念佛。都攝六根。淨念相繼。成就念佛三昧。普度十方眾生。同念阿彌陀佛。同生西方極樂世界。

至心隨喜清淨大海眾菩薩。皆悉念佛。往生西方。見佛聞法。獲無生忍。普度十方眾生。同生西方極樂世界。至心隨喜慧遠大師。善導和尚及住持正法弘揚淨土法門一切高僧大德。一切賢聖僧。深信切願。老實念佛。自行化他。同生西方極樂世界。
至心隨喜一切眾生。一心皈命。阿彌陀佛。蒙佛垂手接引。同生西方極樂世界。
(一切隨喜已。拜起問訊)

第五禮觀四十八大願門

一心頂禮。阿彌陀佛。第一大願。設我得佛。國有地獄、餓鬼、畜生者。不取正覺。

(拜)南無阿彌陀佛 南無阿彌陀佛 (起)南無阿彌陀佛 (一拜三稱)

一心頂禮。阿彌陀佛。第二大願。設我得佛。國中天人。壽終之後。復更三惡道者。不取正覺。

(拜)南無阿彌陀佛 (一拜三稱)

一心頂禮。阿彌陀佛。第三大願。設我得佛。國中天人。不悉真金色者。不取正覺。

(拜)南無阿彌陀佛 (一拜三稱)

一心頂禮。阿彌陀佛。第四大願。設我得佛。國中天人。形色不同。有

好醜者。不取正覺。

南無阿彌陀佛（一拜三稱）

一心頂禮。阿彌陀佛。第五大願。設我得佛。國中天人。不識宿命。下至知百千億那由他諸劫事者。不取

正覺。

南無阿彌陀佛（一拜三稱）

一心頂禮。阿彌陀佛。第六大願。設我得佛。國中天人。不得天眼。下至見百千億那由他諸佛國者。不取正覺。

南無阿彌陀佛（一拜三稱）

一心頂禮。阿彌陀佛。第七大願。設我得佛。國中天人。不得天耳。下至聞百千億那由他諸佛所說。不悉受持者。不取正覺。

南無阿彌陀佛（一拜三稱）

一心頂禮。阿彌陀佛。第八大願。設我得佛。國中天人。不得見他心智。下至知百千億那由他諸佛國中眾生心念者。不取正覺。

南無阿彌陀佛（一拜三稱）

一心頂禮。阿彌陀佛。第九大願。設我得佛。國中天人。不得神足。於一念頃。下至不能超過百千億那由他諸佛國者。不取正覺。

南無阿彌陀佛（一拜三稱）

一心頂禮。阿彌陀佛。第十大願。設我得佛。國中天人。若起想念。貪計身者。不取正覺。

南無阿彌陀佛（一拜三稱）

一心頂禮。阿彌陀佛。第十一大願。設我得佛。國中天人。不住定聚。

必至滅度者。不取正覺。

南無阿彌陀佛（一拜三稱）

一心頂禮。阿彌陀佛。第十二大願。設我得佛。光明有能限量。下至不照百

千億那由他諸佛國者。不取正覺。

南無阿彌陀佛（一拜三稱）

一心頂禮。阿彌陀佛。第十三大願。設我得佛。壽命有限量。下至百千

億那由他劫者。不取正覺。

南無阿彌陀佛（一拜三稱）

一心頂禮。阿彌陀佛。第十四大願。設我得佛。國中聲聞。有能計量。

乃至三千大千世界眾生。悉成緣覺。於百千劫。悉共計校。知其數者。不取正覺。

南無阿彌陀佛（一拜三稱）

一心頂禮。阿彌陀佛。第十五大願。

設我得佛。國中天人。壽命無能限量。除其本願。修短自在。若不爾者。不取正覺。

南無阿彌陀佛（一拜三稱）

一心頂禮。阿彌陀佛。第十六大願。

設我得佛。國中天人。乃至聞有不善名者。不取正覺。

南無阿彌陀佛（一拜三稱）

一心頂禮。阿彌陀佛。第十七大願。設我得佛。十方世界無量諸佛。不

悉咨嗟稱我名者。不取正覺。

南無阿彌陀佛（一拜三稱）

一心頂禮。阿彌陀佛。第十八大願。
設我得佛。十方眾生。至心信樂。
欲生我國。乃至十念。若不生者。
不取正覺。唯除五逆。誹謗正法。

南無阿彌陀佛（一拜三稱）

一心頂禮。阿彌陀佛。第十九大願。
設我得佛。十方眾生。發菩提心。
修諸功德。至心發願。欲生我國。
臨壽終時。假令不與大眾圍繞現其
人前者。不取正覺。

南無阿彌陀佛（一拜三稱）

一心頂禮。阿彌陀佛。第二十大願。
設我得佛。十方眾生。聞我名號。
繫念我國。植眾德本。至心迴向。
欲生我國。不果遂者。不取正覺。

南無阿彌陀佛（一拜三稱）

一心頂禮。阿彌陀佛。第二十一大願。
設我得佛。國中天人。不悉成滿三
十二大人相者。不取正覺。

南無阿彌陀佛（一拜三稱）

一心頂禮。阿彌陀佛。第二十二大願。
設我得佛。他方佛土諸菩薩眾。來
生我國。究竟必至一生補處。除其
本願。自在所化。為眾生故。被弘
誓鎧。積累德本。度脫一切。遊諸
佛國。修菩薩行。供養十方諸佛如
來。開化恒沙無量眾生。使立無上
正真之道。超出常倫諸地之行。現

前修習普賢之德。若不爾者。不取正覺。

南無阿彌陀佛（一拜三稱）

一心頂禮。阿彌陀佛。第二十三大願。
設我得佛。國中菩薩。承佛神力。
供養諸佛。一食之頃。不能徧至無數
無量億那由他諸佛國者。不取正覺。

南無阿彌陀佛（一拜三稱）

一心頂禮。阿彌陀佛。第二十四大願。
設我得佛。國中菩薩。在諸佛前。
現其德本。諸所求欲供養之具。若
不如意者。不取正覺。

南無阿彌陀佛（一拜三稱）

一心頂禮。阿彌陀佛。第二十五大願。
設我得佛。國中菩薩。不能演說一
切智者。不取正覺。

南無阿彌陀佛（一拜三稱）

一心頂禮。阿彌陀佛。第二十六大願。
設我得佛。國中菩薩。不得金剛那
羅延身者。不取正覺。

南無阿彌陀佛（一拜三稱）

一心頂禮。阿彌陀佛。第二十七大願。
設我得佛。國中天人。一切萬物嚴
淨光麗。形色殊特。窮微極妙。無
能稱量。其諸眾生。乃至逮得天眼。

南無阿彌陀佛（一拜三稱）

有能明了。辨其名數者。不取正覺。
一心頂禮。阿彌陀佛。第二十八大願。
設我得佛。國中菩薩。乃至少功德
者。不能知見其道場樹。無量光色。

高四百萬里者。不取正覺。

南無阿彌陀佛（一拜三稱）

一心頂禮。阿彌陀佛。第二十九大願。
設我得佛。國中菩薩。若受讀經法。
諷誦持說。而不得辯才智慧者。不

取正覺。

南無阿彌陀佛（一拜三稱）

一心頂禮。阿彌陀佛。第三十大願。
設我得佛。國中菩薩。智慧辯才。

若可限量者。不取正覺。

南無阿彌陀佛（一拜三稱）

一心頂禮。阿彌陀佛。第三十一大願。
設我得佛。國土清淨。皆悉照見十
方一切無量無數不可思議諸佛世
界。猶如明鏡。覩其面像。若不爾
者。不取正覺。

南無阿彌陀佛（一拜三稱）

一心頂禮。阿彌陀佛。第三十二大願。
設我得佛。自地以上。至於虛空。宮
殿。樓觀。池流。華樹。國土所有一
切萬物。皆以無量雜寶。百千種香。
而共合成。嚴飾奇妙。超諸天人。其
香普熏十方世界。菩薩聞者。皆修佛
行。若不如是。不取正覺。

南無阿彌陀佛（一拜三稱）

一心頂禮。阿彌陀佛。第三十三大願。
設我得佛。十方無量不可思議諸佛
世界眾生之類。蒙我光明觸其體
者。身心柔軟。超過天人。若不爾
者。不取正覺。

南無阿彌陀佛（一拜三稱）

一心頂禮。阿彌陀佛。第三十四大願。
設我得佛。十方無量不可思議諸佛
世界。眾生之類。聞我名字。不得
菩薩無生法忍。諸深總持者。不取

正覺。

南無阿彌陀佛（一拜三稱）

一心頂禮。阿彌陀佛。第三十五大願。
設我得佛。十方無量不可思議諸佛
世界。其有女人聞我名字。歡喜信
樂。發菩提心。厭惡女身。壽終之
後。復為女像者。不取正覺。

南無阿彌陀佛（一拜三稱）

一心頂禮。阿彌陀佛。第三十六大願。
設我得佛。十方無量不可思議諸佛
世界諸菩薩眾。聞我名字。壽終之
後。常修梵行。至成佛道。若不爾
者。不取正覺。

南無阿彌陀佛（一拜三稱）

一心頂禮。阿彌陀佛。第三十七大願。
設我得佛。十方無量不可思議諸佛
世界諸天人民。聞我名字。五體投
地。稽首作禮。歡喜信樂。修菩薩
行。諸天世人。莫不致敬。若不爾
者。不取正覺。

南無阿彌陀佛（一拜三稱）

一心頂禮。阿彌陀佛。第三十八大願。
設我得佛。國中天人。欲得衣服。
隨念即至。如佛所讚應法妙服。自
然在身。有求裁縫擣染浣濯者。不

取正覺。

南無阿彌陀佛（一拜三稱）

一心頂禮。阿彌陀佛。第三十九大願。
設我得佛。國中天人。所受快樂。
不如漏盡比丘者。不取正覺。

南無阿彌陀佛（一拜三稱）

一心頂禮。阿彌陀佛。第四十大願。
設我得佛。國中菩薩。隨意欲見十
方無量嚴淨佛土。應時如願。於寶
樹中。皆悉照見。猶如明鏡。覩其
面像。若不爾者。不取正覺。

南無阿彌陀佛（一拜三稱）

一心頂禮。阿彌陀佛。第四十一大願。
設我得佛。他方國土諸菩薩眾。聞
我名字。至於得佛。諸根缺陋不具
足者。不取正覺。

南無阿彌陀佛（一拜三稱）

一心頂禮。阿彌陀佛。第四十二大願。
設我得佛。他方國土諸菩薩眾。聞
我名字。皆悉逮得清淨解脫三昧。

住是三昧。一發意頃。供養無量不
可思議諸佛世尊。而不失定意。若
不爾者。不取正覺。

南無阿彌陀佛（一拜三稱）

一心頂禮。阿彌陀佛。第四十三大願。
設我得佛。他方國土諸菩薩眾。聞
我名字。壽終之後。生尊貴家。若
不爾者。不取正覺。

南無阿彌陀佛（一拜三稱）

一心頂禮。阿彌陀佛。第四十四大願。

設我得佛。他方國土諸菩薩眾。聞我名字。歡喜踴躍。修菩薩行。具足德本。若不爾者。不取正覺。

南無阿彌陀佛（一拜三稱）

一心頂禮。阿彌陀佛。第四十五大願。

設我得佛。他方國土諸菩薩眾。聞我名字。皆悉逮得普等三昧。住是三昧。至於成佛。常見無量不可思議一切諸佛。若不爾者。不取正覺。

南無阿彌陀佛（一拜三稱）

一心頂禮。阿彌陀佛。第四十六大願。

設我得佛。國中菩薩。隨其志願所欲聞法。自然得聞。若不爾者。不取正覺。

南無阿彌陀佛（一拜三稱）

一心頂禮。阿彌陀佛。第四十七大願。

設我得佛。他方國土諸菩薩眾。聞我名字。不即得至不退轉者。不取正覺。

南無阿彌陀佛（一拜三稱）

一心頂禮。阿彌陀佛。第四十八大願。

設我得佛。他方國土諸菩薩眾。聞我名字。不即得至第一忍第二第三法忍。於諸佛法。不能即得不退轉者。不取正覺。

南無阿彌陀佛（一拜三稱）

以此禮拜功德。令一切眾生。所修淨行。悉皆成就。

南無阿彌陀佛（千聲或萬聲）

第六懺悔門（拜下默念）

我及眾生。無始常為。三業六根。重罪所障。

不見諸佛。不知出要。但順生死。不知妙理。
我今雖知。猶與衆生。同為一切重罪所障。今
對阿彌陀佛及十方佛前。普為衆生。皈命懺
悔。惟願加護。令障消滅。（起立問訊畢。跪唱）

普為四恩三有。法界衆生。悉願斷除

三障。皈命懺悔。

（叩下默念）

我與衆生。無始來今。由愛見故。內計我人。
外加惡友。不隨喜他。一毫之善。惟徧三業。
廣造衆罪。事雖不廣。惡心徧布。晝夜相續。
無有間斷。覆諱過失。不欲人知。不畏惡道。
無慚無愧。撥無因果。故於今日。深信因果。
生重慚愧。生大怖畏。發露懺悔。斷相續心。
發菩提心。斷惡修善。勤策三業。翻昔重過。
隨喜凡聖。一毫之善。念十方佛。有大福慧。
能救拔我。及諸衆生。從二死海。置三德岸。

從無始來。不知諸法。本性空寂。廣造衆惡。
今知空寂。為求菩提。為衆生故。廣修諸善。
徧斷衆惡。惟願彌陀。慈悲攝受。（叩起跪唱）

第七發願迴向門

十方三世佛。阿彌陀第一。九品度衆

生。威德無窮極。我今大皈依。懺悔
三業罪。凡有諸福善。至心用迴向。
願同念佛人。感應隨時現。臨終西方
境。分明在目前。見聞皆精進。同生
極樂國。見佛了生死。如佛度一切。

無邊煩惱斷。無量法門修。誓願度衆
生。總願成佛道。虛空有盡。我願無
窮。情與無情。同圓種智。十方三世
一切佛。一切菩薩摩訶薩。摩訶般若
波羅蜜。

自^(拜。起。)皈^(古。)依^(古。)佛^(古。)當^(古。)願^(古。)眾^(古。)生^(古。)體^(古。)解^(古。)大^(古。)道^(古。)發^(古。)無^(古。)上^(古。)心^(古。)

自^(拜。起。)皈^(古。)依^(古。)法^(古。)當^(古。)願^(古。)眾^(古。)生^(古。)深^(古。)入^(古。)經^(古。)藏^(古。)智^(古。)慧^(古。)如^(古。)海^(古。)

自^(拜。起。)皈^(古。)依^(古。)僧^(古。)當^(古。)願^(古。)眾^(古。)生^(古。)統^(古。)理^(古。)大^(古。)眾^(古。)一^(古。)切^(古。)無^(古。)礙^(古。)

(拜。起。問訊。起。)

南無阿彌陀佛（三稱三拜）禮佛三拜畢

大佛頂首楞嚴經大勢至菩薩念佛圓通章

唐天竺沙門般刺密帝譯

大勢至法王子。與其同倫。五十二菩薩。即從座起。頂禮佛足。而白佛言。我憶往昔。恆河沙劫。有佛出世。名無

量光。十二如來。相繼一劫。其最後佛。名超日月光。彼佛教我。念佛三昧。譬如有人。一專為憶。一人專忘。如是二人。若逢不逢。或見非見。二人相憶。二憶念深。如是乃至從生至生。同於形影。不相乖異。十方如來。憐念眾生。如母憶子。若子逃逝。雖憶何為。子若憶母。如母憶時。母子歷生。不相違遠。若眾生心。憶佛念佛。現前當來。必定見佛。去佛不遠。不假方便。自得心開。如染香人。身有香氣。此則名曰香光莊嚴。我本因地。以念佛心。入無生忍。今於此界。攝念佛人。歸於淨土。佛問圓通。我無選擇。都攝六根。淨念相繼。得三摩地。斯為第一。

禮懺功德殊勝行。無邊勝福皆迴向。
普願沈溺諸有情。速往無量光佛剎。
十方三世一切佛。一切菩薩摩訶薩。
摩訶般若波羅蜜。

千手千眼無礙大悲心陀羅尼

南無喝囉但那哆囉夜耶 南無阿唎耶

婆盧羯帝爍鉢囉耶 菩提薩埵婆耶 摩

訶薩埵婆耶 摩訶迦盧尼迦耶 唵 薩

皤囉罰曳 數但那但寫 南無悉吉唎埵

伊蒙阿唎耶 婆盧吉帝室佛囉楞駄婆

南無那囉謹墀 醯唎摩訶皤哆沙咩 薩

婆阿他豆輪朋 阿逝孕 薩婆薩哆那摩

婆薩多 那摩婆伽 摩罰特豆 但姪他

唵 阿婆盧醯 盧迦帝 迦羅帝 夷醯唎

摩訶菩提薩埵 薩婆薩婆 摩囉摩囉

摩醯摩醯唎駄孕 俱盧俱盧羯蒙 度盧

度盧罰闍耶帝 摩訶罰闍耶帝 陀囉陀

囉地唎尼 室佛囉耶 遮囉遮囉 麼麼

罰摩囉 穆帝隸 伊醯伊醯 室那室那

阿囉唎佛囉舍利 罰娑罰唎 佛囉舍耶

呼盧呼盧摩囉 呼盧呼盧醯利 娑囉

娑囉 悉唎悉唎 蘇嚕蘇嚕 菩提夜菩

提夜 菩駄夜菩駄夜 彌帝利夜 那囉

謹墀 地利瑟尼那 婆夜摩那 娑婆訶

悉陀夜 娑婆訶 摩訶悉陀夜 娑婆訶

悉陀喻藝 室皤囉耶 娑婆訶 那囉謹

墀 娑婆訶 摩囉那囉 娑婆訶 悉囉僧

阿穆佉耶 娑婆訶 娑婆摩訶阿悉陀夜

娑婆訶 者吉囉阿悉陀夜 娑婆訶 波

陀摩羯悉陀夜 娑婆訶 那囉謹墀皤伽

囉耶 娑婆訶 摩婆利勝羯囉夜 娑婆

訶 南無喝囉但那哆囉夜耶 南無阿利

耶 婆羅吉帝 爍皤囉耶 娑婆訶 唵

悉殿都 漫多囉 跋陀耶 娑婆訶

迴向偈

願以此功德 莊嚴佛淨土
 上報四重恩 下濟三途苦
 若有見聞者 悉發菩提心
 盡此一報身 同生極樂國

南無護法韋馱尊天菩薩



阿彌陀佛四十八願禮懺儀規、佛七儀規、淨修捷要 功德主名錄：

委印文號：102247

- 三九、五〇〇元：「陳水木、陳林秀雲」。
- 二〇、〇〇〇元：三寶淨業弟子。
- 一六、〇〇〇元：張鄭進治、吳好。
- 六、〇〇〇元：張碧塘。
- 五、〇〇〇元：三寶弟子。鍾金蓮。
- 二、〇〇〇元：蓮度法師。鄭玉珠。
- 一、〇〇〇元：張炳村。
- 二〇〇元：張耘慈、張尊皓、尹潤成。
- 四三、八〇〇元：佛陀教育基金會。

以上共計台幣：一五八、〇〇〇元，恭印二、〇〇〇本。

迴向：天下和順，日月清明，風雨以時，災厲不起，國豐民安，兵戈無用，崇德興仁，務修禮讓，國無盜賊，無有怨枉，強不凌弱，各得其所。祝願法界一切有情，所有六道四生，宿世冤親，現世冤親，現世業債，咸憑法力，悉得解脫。祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印(購)經書及運費使用，為施主廣積陰德，歡迎十方大德善加利用。

普為出資及讚誦受持
 輾轉流通者回向偈曰
 願以此功德
 消除宿現業
 增長諸福慧
 圓成佛善根
 所有刀兵劫
 及與饑饉等
 悉皆盡滅除
 人各習禮讓
 讚誦受持人
 輾轉流通者
 現眷咸安樂
 先亡獲超昇
 風雨常調順
 人民悉康寧
 法界諸含識
 同證無上道

佛曆二五五七年(西元二〇一三年八月)
阿彌陀佛四十八願禮懺儀規、佛七儀規、淨修捷要
 發行人：簡豐文
 出版者：財團法人佛陀教育基金會
 地址：100台北市杭州南路一段五十五號十一樓
 網址：http://www.buddaedu.org
 Email: buddaedu@buddaedu.org
 電話：(02)23951198
 傳真：(02)23951198
 郵局劃撥帳號：07694979
 銀行名稱：台灣銀行城中分行(請於電匯或轉帳後告知本會用途)
 銀行帳號：0450045975033

本會經書免費結緣之領取方式如下：
 (一)親臨本會二樓講堂。(02)23959599
 (二)撥打電話：(02)23951198(手機：11-12)
 (三)網打地址：http://www.buddaedu.org/books/。(五)郵寄地址：本會法寶流通部。
 為提高服務效率，請您郵購時，請註明姓名、地址、電話、郵遞區號，以減少本會之處理時間。若大量申請，請註明用途，且避免姓名、地址等文字上書標之錯誤。
 ◎本會經書，歡迎翻印(請勿增刪)，贈送流通，功德無量。
 ◎本會交通：
 ※捷運：善導寺站5號出口，至杭州南路右轉，過兩個紅綠燈。
 ※公車站牌：審計部站—212、299、232、205、276、605、257、282
 台北商業技術學院—253、297、237
 小愛路二段—222、297
 開南商工—208、295、297、15-22、671

行政院新聞局出版事業登記證局版臺業字第三八六九號